

EM2017/28

5. oktober 2017

Michael Rosing, Attaviitsoq

Uunga siunnersuut: Nukissamik pilersuineq pillugu Inatsisartut peqqussutaasa allanngortinneqarnera pillugu Inatsisartut inatsisaat nr. xx, xx. xxx 2017-imeersoq. (Ataasiakkaarluni kiassarnermut uuttuutit)

(Inuussutissarsiornermut, Suliffeqarnermut, Niuernermut Nukissiuuteqarnermullu Naalakkersuisoq)

Nuannaarutigeqaara inatsisissatut siunnersuut manna suleqataaffigisinnaagakku. Misissuineq siunnersuummut tunngaviusoq aallartippoq uanga nammineq aalajangiiffigisassatut siunnersuusiara naapertorlugu. Sulivugut ilaatigut suliarput pillugu ataqqinaat tiguniartarluta. Matumuunalu taamaaliorpunga.

Uunga inatsisissatut siunnersuummut pitsaasumut ataasinnguamik uparuagassaqarpunga. Sualummik maani Nuummi inuppaalussuit namminneq illussaminnik pisinikuupput inatsisartut peqqussutaat attartortumiik piginnittumut tunngasoq atorlugu. Aamma piginneqatigiilluni illuutillit arlaqarput. Taakku ilarpaalussui nukimmik pilersorneqarput periarfissaqaratilli kiassarnermut atuinerminnut ataasiakkaarlutik immikkut akiligassinneqarnissaminnut. Ataatsimiititaliamut siunnersuummut suliarinnittussamut siunnersuutigissavara illuutillit aamma piginneqatigiillutik illuutillit ataasiakkaarlutik immikkut akiligassinneqartalersinnaanersut allatulli attartortutut.

Taamatut oqaaseqarlunga innersuussutigissavara appassaaneerinnginnermi siunnersuut sanaartornermut ataatsimiititaliamit suliarineqassasoq.